

Broj: 05-2538-3/22
Sarajevo, 05.08.2022. godine

Na osnovu člana 23. stav (1) tačka r) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav 1) tačke n) i t) Statuta Agencije za bankarstvo Federacije BiH („Službene novine Federacije BiH“, broj: 3/18), čl. 69. stav (1) tačka a) i 70. st. (1), (3) i (6) Zakona o javnim nabavkama („Službeni glasnik BiH“, broj: 39/14) i člana 10. stav (1) Pravilnika o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH“, broj: 66/16) direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku javne nabavke usluga

Član 1.

Ugovor za javnu nabavku usluga iz oblasti odnosa s javnošću i kriznog komuniciranja za potrebe Agencije za bankarstvo Federacije BiH, nakon provedenog postupka u skladu sa odredbama Pravilnika o dodjeli ugovora o uslugama iz Aneksa II. dio B Zakona o javnim nabavkama, dodjeljuje se ponuđaču „Mint“ d.o.o. Banja Luka.

Član 2.

Ukupna vrijednost ugovora iz Člana 1. ove odluke za period od 1 (jedne) godine iznosi 139.680,00 KM, bez poreza na dodanu vrijednost (PDV), što u konačnici sa uračunatim PDV-om iznosi 163.425,60 KM.

Član 3.

Ova odluka bit će objavljena na službenoj web stranici Agencije, istovremeno sa upućivanjem iste ponuđačima koji su sudjelovali u predmetnom postupku javne nabavke, u skladu s odredbama člana 70. stav (6) Zakona o javnim nabavkama.

Član 4.

Za realizaciju ove odluke zadužuje se Odjel za opće i kadrovske poslove pri Sektoru zajedničkih funkcija.

Član 5.

Ova odluka stupa na snagu danom donošenja.

O b r a z l o ž e n j e

Odlukom o pokretanju javne nabavke usluga, broj: 05-2538/22 od 22.06.2022. godine, odobreno je provođenje postupka javne nabavke usluga iz oblasti odnosa s javnošću i kriznog komuniciranja za potrebe Agencije za bankarstvo Federacije BiH.

Javna nabavka sprovedena je u skladu sa Pravilnikom o postupku dodjele ugovora o uslugama iz Aneksa II. dio B Zakona o javnim nabavkama. U skladu s odredbom člana 7. stav (3) Pravilnika o postupku dodjele ugovora o uslugama iz Aneksa II. dio B Zakona o javnim nabavkama, Ugovorni organ je dana

28.06.2022. godine pripremio i objavio Poziv za dostavu ponuda na svojoj internetskoj stranici, te istovremeno isti uputio na tri adrese. Procijenjena vrijednost javne nabavke utvrđena je u iznosu od 140.000,00 KM – bez poreza na dodanu vrijednost (PDV).

Dana 23.04.2021. godine, do ostavljenog krajnjeg roka za prijem ponuda (10:00 sati), evidentirane su 2 (dvije) pravovremeno pristigle ponude od strane ponuđača „Mint“ d.o.o. Banja Luka i „ZPR Agencija“ Sarajevo.

Nakon izvršenog otvaranja ponuda, pregleda i ocjene ispunjavanja zadanih kvalifikacijskih uslova, ugovorni organ evidentirao je određene nepravilnosti u dostavljenoj dokumentaciji ponuđača „ZPR Agencija“ Sarajevo, te je ista ocijenjena kao neprihvatljive za ugovorni organ iz slijedećih razloga:

1. Potvrda o urednom izvršenju ugovora, izdata od strane „Albany Associates International Limited UK“ od 26.05.2022. godine, vrijednost ugovora: 553,535 KM, predmet ugovora: „Fond za dobro upravljanje – BH47 – Strateška komunikacija u BiH“, u kojoj je naveden period izvršenja Ugovora od 24.04.2019. do 01.04.2020. godine, je u suprotnosti sa traženim uslovom tenderske dokumentacije, kojim je traženo **„da je ponuđač u zadnje 2 (dvije) godine ili od početka poslovanja ako je ponuđač registrovan, odnosno počeo sa radom prije manje od 2 (dvije) godine, računajući od dana objave Poziva za dostavu ponuda na web stranici Agencije, uspješno izvršio minimalno jedan Ugovor koji je isti ili sličan sa predmetom nabavke, čija je vrijednost ista ili veća od procijenjene vrijednosti nabavke (140.000,00 KM bez PDV-a).** Dostavljena Potvrda neprihvatljiva je za Ugovorni organ, obzirom da od završetka izvršenja Ugovora prošlo više od dvije godine, računajući od dana objave Poziva za dostavu ponuda na web stranici Agencije (28.06.2022. godine);
2. Potvrda o urednom izvršenju ugovora, izdata od strane „Albany Associates International Limited UK“ od 26.05.2022. godine, vrijednost ugovora: 529,618 KM, predmet ugovora: „BH 2001 Podrška vladama u BiH u komunikacijski odgovor na Covid-19 i dalji razvoj strateške komunikacije za podršku implementacija ključnih reformskih mjera“, je u suprotnosti sa traženim uslovom tenderske dokumentacije, kojim je traženo **„da je ponuđač u zadnje 2 (dvije) godine ili od početka poslovanja ako je ponuđač registrovan, odnosno počeo sa radom prije manje od 2 (dvije) godine, računajući od dana objave Poziva za dostavu ponuda na web stranici Agencije, uspješno izvršio minimalno jedan Ugovor koji je isti ili sličan sa predmetom nabavke, čija je vrijednost ista ili veća od procijenjene vrijednosti nabavke (140.000,00 KM bez PDV-a).** Dostavljena Potvrda neprihvatljiva je za Ugovorni organ, obzirom da ne sadrži podatak da je ponuđač uredno izvršio isti ili sličan ugovor kao što je predmet nabavke, jer se u skladu sa Pozivom za dostavu ponuda „pod istim ili sličnim Ugovorom se podrazumijeva Ugovor koji za predmet ima usluge iz oblasti odnosa sa javnošću, uključujući odnose sa medijima, krizno komuniciranje, usluge savjetovanja, vođenja i davanje uputa (edukacije osoblja za javni nastup – pojavljivanje rukovodstva Ugovornog organa u medijima, u vezi sa prezentiranjem tema **iz područja bankarskog, odnosno finansijskog sektora**, sa naglaskom na krizno komuniciranje)“;
3. Prevod, ovjeren pečatom i potpisom tumača za engleski jezik, dokumenta: Potvrda o urednom izvršenju ugovora, izdata od strane Ambasade Velike Britanije u Sarajevu od 14.04.2021. godine, vrijednost ugovora: 219.571,32 KM, predmet ugovora: „Implementacija ishoda 4 projekta BH 2021 koji se odnosio na socioekonomsku reformu, naročito komuniciranje e-potpisa, bankovnog registra i energetske reforme, organizaciju medijskog sadržaja i pojavljivanje finansijskih, ekonomskih i energetskih stručnjaka i zastupnika međunarodne zajednice (IMF, USAID, EU itd), što nije usklađeno sa traženim uslovom tenderske dokumentacije, kojim je traženo **„da je ponuđač u zadnje 2 (dvije) godine ili od početka poslovanja ako je ponuđač registrovan, odnosno počeo sa radom prije manje od 2 (dvije) godine, računajući od dana objave Poziva za dostavu ponuda na web stranici Agencije, uspješno izvršio minimalno jedan Ugovor koji je isti ili sličan sa predmetom nabavke, čija je**



vrijednost ista ili veća od procjenjene vrijednosti nabavke (140.000,00 KM bez PDV-a).

Dostavljeni prevod dokumenta je neprihvatljiv za Ugovori organ, jer nije dostavljen na način predviđen tenderskom dokumentacijom (tačka 1.4, a), stav 4.), tj. kao original ili ovjerena kopija od strane nadležnog organa. Naime, Ponuđač je dostavio samo prevod dokumenta ovjeren pečatom tumača za engleski jezik bez prilaganja originalnog dokumenta (ili fotokopije originalnog dokumenta) koji je predmet prevoda. Također, tumačeći dostavljeni prevod zaključeno je da se svakako ne radi o izvršenju usluga koje su iste ili slične jer se u skladu sa uslovima iz Poziva „pod istim ili sličnim Ugovorom se podrazumijeva Ugovor koji za predmet ima usluge iz oblasti odnosa sa javnošću, uključujući odnose sa medijima, krizno komuniciranje, usluge savjetovanja, vođenja i davanje uputa (edukacije osoblja za javni nastup – pojavljivanje rukovodstva Ugovornog organa u medijima, u vezi sa prezentiranjem tema **iz područja bankarskog, odnosno finansijskog sektora**, sa naglaskom na krizno komuniciranje).

4. Potvrda o uredno izvršenom ugovoru, izdata od strane „Philip Morris BH“ d.o.o. Sarajevo od 16.04.2021. godine, predmet ugovora: „Usluge ZPR Agencija na polju odnosa s medijima, savjetodavnim uslugama, organizaciju događaja“, nije usklađena sa traženim uslovom Poziva za dostavljanje ponuda kojim je traženo „da je ponuđač u zadnje 2 (dvije) godine ili od početka poslovanja ako je ponuđač registrovan, odnosno počeo sa radom prije manje od 2 (dvije) godine, računajući od dana objave Poziva za dostavu ponuda na web stranici Agencije, uspješno izvršio minimalno jedan Ugovor koji je isti ili sličan sa predmetom nabavke, čija je vrijednost ista ili veća od procjenjene vrijednosti nabavke (140.000,00 KM bez PDV-a). Dostavljena Potvrda je neprihvatljiva za Ugovorni organ, obzirom da ista ne sadrži isti ili sličan predmet usluga, jer se Pozivom za dostavljanje ponuda pod istim ili sličnim Ugovorom podrazumijeva „Ugovor koji za predmet ima usluge iz oblasti odnosa sa javnošću, uključujući odnose sa medijima, krizno komuniciranje, usluge savjetovanja, vođenja i davanje uputa (edukacije osoblja za javni nastup – pojavljivanje rukovodstva Ugovornog organa u medijima, u vezi sa prezentiranjem tema **iz područja bankarskog, odnosno finansijskog sektora**, sa naglaskom na krizno komuniciranje)“;
5. Potvrda o uredno izvršenom ugovoru, izdata od strane „Fond otvoreno društvo“ Sarajevo od 12.04.2021. godine, vrijednost ugovora: 141.235,20 KM, predmet ugovora: „Angažman ZPR Agencija u svojstvu konsultanta za projekta Da javne nabavke postanu javne na polju odnosa sa medijima, savjetodavnim uslugama, organizaciju događaja“, nije prihvatljiva za Ugovorni organ obzirom da ne ispunjava uslov tražen Pozivom kojim je zahtijevano „da je ponuđač u zadnje 2 (dvije) godine ili od početka poslovanja ako je ponuđač registrovan, odnosno počeo sa radom prije manje od 2 (dvije) godine, računajući od dana objave Poziva za dostavu ponuda na web stranici Agencije, uspješno izvršio minimalno jedan Ugovor koji je isti ili sličan sa predmetom nabavke, čija je vrijednost ista ili veća od procjenjene vrijednosti nabavke (140.000,00 KM bez PDV-a). Dostavljena Potvrda je neprihvatljiva za Ugovorni organ, obzirom da ista ne sadrži dokaz o izvršenju istih ili sličnih usluga kako je definisano Pozivom za dostavu ponuda, kojim je rečeno da se „pod istim ili sličnim Ugovorom podrazumijeva Ugovor koji za predmet ima usluge iz oblasti odnosa sa javnošću, uključujući odnose sa medijima, krizno komuniciranje, usluge savjetovanja, vođenja i davanje uputa (edukacije osoblja za javni nastup – pojavljivanje rukovodstva Ugovornog organa u medijima, u vezi sa prezentiranjem tema **iz područja bankarskog, odnosno finansijskog sektora**, sa naglaskom na krizno komuniciranje)“;
6. Potvrda o uredno izvršenom ugovoru, izdata od strane Vlade Federacije BiH od 08.07.2022. godine, vrijednost ugovora: 814.905,00 KM, predmet ugovora „Ugovorene i druge posebne usluge – Transparentnost rada Vlade Federacije BiH u implementaciji reformskih procesa“, period izvršenja Ugovora: decembar 2021. - decembar 2022. godine, je neprihvatljiva za



Ugovorni organ, obzirom da ista ne sadrži podatak o okončanju ugovora. Naime, iz navedene dostavljene Potvrde vidljivo da je predmetni Ugovor još uvijek u toku i kao takav se ne može smatrati realizovanim.

U skladu sa članom 48. stav (3) Zakona o javnim nabavkama, „potvrda o uredno izvršenom ugovoru **mora** sadržavati sljedeće podatke:

- naziv i sjedište ugovornih strana ili privrednih subjekata;
- predmet ugovora;
- vrijednost ugovora;
- vrijeme i mjesto izvršenja ugovora;
- navode o uredno izvršenim ugovorima.“

7. Ponuđač „ZPR Agencija“ je u svojoj ponudi br. 07/22 od 12.07.2022. godine dostavio i Potvrdu o izvršenom ugovoru izdatu od strane „Sparkasse Bank“ od dana 12.04.2021. godine, sa navodima da je „ZPR Agencija bila angažirana od strane banke u periodu juli 2017. – decembar 2020. godine u svojstvu konsultanta, za sljedeće oblasti: 1. – Odnosi s medijima, 2. – Savjetodavne usluge i 3. – Organizacija događaja, te da je ZPR Agencija uspješno izvršavala ugovorene obaveze“ koja nema sve potrebne elemente zahtijevane navedenom tačkom i članom 48. Zakona. Naime, navedeni Ponuđač dostavljenom Potvrdom nije ispunio uslov zahtjevan Pozivom za dostavu ponuda, kojim je traženo da, u skladu sa članom 48. stav (3) Zakona o javnim nabavkama, „potvrda o uredno izvršenom ugovoru **mora** sadržavati sljedeće podatke:

- naziv i sjedište ugovornih strana ili privrednih subjekata;
- predmet ugovora;
- vrijednost ugovora;
- vrijeme i mjesto izvršenja ugovora;
- navode o uredno izvršenim ugovorima.“

Dakle, dostavljena potvrda je neprihvatljiva za Ugovorni organ obzirom da ista ne sadrži podatak o vrijednosti završenog Ugovora sa „Sparkasse Bank“. Također, dostavljeni spisak izvršenih ugovora (referenc lista) iz ponude nema podatak o navedenom ugovoru, tako da se niti iz tog dokumenta ne može vidjeti vrijednost realizovanog Ugovora sa „Sparkasse bank“.

8. Ponuđač „ZPR Agencija je u svojoj ponudi br. 07/22 od 12.07.2022. godine dostavio Potvrdu o saradnji od 08.07.2022. godine sa „Executive Group“ iz Beograda, sa navodima da je „ZPR Agencija angažovana kao suradnik Agencije „Executive Group“ iz Beograda, na konsultantskim poslovima za pružanje usluga iz oblasti odnosa sa javnošću, odnosa sa medijima i kriznom komuniciranju, za klijenta UniCredit Banka Banjaluka, sa kojim agencija „Executive Group“ ima saradnju.“

Dostavljena Potvrda neprihvatljiva je za Ugovorni organ, obzirom da ista ne sadrži podatak o vrijednosti ugovora, te vremenu i mjestu izvršenja ugovora. U skladu sa članom 48. stav (3) Zakona o javnim nabavkama, „potvrda o uredno izvršenom ugovoru **mora** sadržavati sljedeće podatke:

- naziv i sjedište ugovornih strana ili privrednih subjekata;
- predmet ugovora;
- vrijednost ugovora;
- vrijeme i mjesto izvršenja ugovora;
- navode o uredno izvršenim ugovorima.“

Konačno, ponuđač „ZPR Agencija“ nije ispunio uslov vezan za tehničku i profesionalnu sposobnost, a koji se odnosi na uspješno iskustvo u realizaciji jednog istog ili sličnog Ugovora u posljednje 2 (dvije)



godine u minimalnom iznosu od 140.000,00 KM a koji se odnosi na iskustvo u finansijskom ili bankarskom sektoru kako je traženo Pozivom za dostavljanje ponuda. Dakle, nije dokazano uspješno iskustvo dostavljanjem relevantnih dokaza (Potvrda o uspješno izvršenom ugovoru) po osnovu tehničke i profesionalne sposobnosti, kako je traženo Pozivom za dostavljanje ponuda.

Također, ponuda ponuđača „ZPR Agencija“ broj: 07/22 od 12.07.2022. godine, nije dostavljena u skladu sa obaveznim Uputstvom za pripremu modela tenderske dokumentacije i ponuda („Službeni glasnik BiH“, broj: 90/14 i 20/15) član 8. stav (6) kojim je definisano da se stranice ponude označavaju brojem na način da je vidljiv redni broj stranice. Obzirom da ponuda ponuđača „ZPR Agencija“ nije numerisana, ista je u suprotnosti sa navedenim podzakonskim aktom obavezujućim kako za Ugovorne organe, tako i za ponuđače u postupcima javnih nabavki.

U skladu sa naprijed navedenim, za Ugovorni organ nije prihvatljiva ponuda ponuđača „ZPR Agencija“ Sarajevo.

Slijedom navedenog, Komisija će dati prijedlog odgovornoj osobi ugovornog organa da se ponuda ponuđača „ZPR Agencija“ Sarajevo odbije kao neprihvatljiva, u skladu s članom 68. st. (1) i (4) Zakona, zbog neispunjavanja postavljenih uslova iz članova 48. i 50. Zakona o javnim nabavkama i tačke 1.4. podtačka a) (Tehnička i profesionalna sposobnost – član 50. Zakona) .

Na osnovu naprijed navedenog, primjenjujući zadani kriterij najniže cijene tehnički zadovoljavajuće ponude, ugovorni organ je donio odluku da se ugovor za javnu nabavku predmetnih usluga na period od 1 (jedne) godine dodijeli ponuđaču „Mint“ d.o.o. Banja Luka, koji je dostavio ponudu na iznos od 139.680,00 KM bez poreza na dodanu vrijednost (PDV), koja je ocijenjena prihvatljivom, s ponuđenom cijenom koja je usklađena s procijenjenom vrijednosti nabavke.

Slijedom navedenog, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, u skladu s odredbama članova 99. i 101. Zakona o javnim nabavkama („Službeni glasnik BiH“, broj: 39/14).

Žalba se podnosi u pisanom obliku – u tri primjerka, u roku od 10 (deset) dana od dana obavijesti dobrovoljnog ex-ante obavještenja o transparentnosti na Portalu javnih nabavki.

Dostaviti:

- Ponuđačima u postupku;
- a.a.

